



Kattusseqatigiit Partiiat

Januar 2012

UPA 2012/74

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ilulissani Timersornermut ilinniarfimmik imaluunniit Ilinniarnertuunngorniarfimmik pilersitsoqarnissaa siunertaralungu Naalakkersuisut misissuinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Knud Fleischer, Kattusseqatigiit Partiiat)

Tungavilersuut:

Tassani misissuineri qulaajarneqassallutik, aningaasat qanoq amerlatingisut atorlungit Timersornermut ilinniarfiup imaluunniit Ilinniarnertuunngorniarfimmik piviusunngortinnissaanut atorneqassanersut.

Siunnersuuteqarnermut tungavittut pingaernerpaatut taarusupparput, maannakkut nammineq piunassuseq atorlungu suliniaqatingiiffik ilulissani ivingaaqqanik arsaattarfiliornissaq siunertaralungu pilersinneqarsimammat.

Maanna Ilulissani suliniaqatigiiffiit eqimattallu suliamut aalajangersimasumut suliaqareersut pilersaarusiortullu, iluatsillugit Naalakkersuisut Timersornermik ilinniarfimmik imaluunniit Ilinniarnertuunngorniarfimmik pilersitsisinnaanissamut misissueqqullugit peqquneqarnissaat siunnersuuteqarnitsinnut toqqammavigisatta pingaanerit ilagaat.

Siunertaq ivingaaqqanik arsaattarfiliornissaq piviusunngussappat, Kattusseqatigiit Partiianiit isumaqarpungut, pingaaruteqartoq inatsisartutingut aammalu naalakkersuisutingoortumik tapersuineq ingerlanneqartariaqartoq.

Kattusseqatigiit Partiianiit takorluukkatta ilangivaat, Timersornermut ilinniarfik imaluunniit Ilinniarnertuunngorniarfimmik Ilulissani pilersinneqassasoq ivingaaqqanik arsaattarfitalik.

Siunnersuutillu qiterisaani misissuinissami Timersornermut ilinniarfimmik imaluunniit Ilinniarnertuunngorniarfimmik pilersitsinissamut, periarfissat assingiinnigitsut sapinngisamik misissorneqarnissaat siunertaarput.

Soorlu Timersornermut ilinniarfiup imaluunniit Ilinniarnertuunngorniarfiup pilersinneqarnissaannut annerusumik aningaasat qanoq amerlatingisut atorneqassanersut tassani qulaajarneqassammata.

Misissuineri makkua aallaavingineqassapput.

1. Timersornermut ilinniarfiup imaluunniit Ilinniarnertuunngorniarfiup ivingaaqqanik arsaattarfitalilip inissisimaffissaa, sumi inissisimanguni pitsaanerpaajussua? Timersornermik ilinniarfissap imaluunniit Ilinniarnertuunngorniarfiup inissisimanissaa eqqarsaataavoq Ilulissani inis-

sisimassasoq. Ilinniarfiup Ilulissanut inissinnissaa pillugu oqaatigineqassaaq illoqarfinni allani ilinniarnertoornngorniarfimmik unammillertuussanngimmat taamaattorli ilinniarfissamik allamik periarfissiinissaq tamatumani eqqarsaataalluni, aammalu ukiuni kingullerni annertuumik eqqartorneqartarpoq atuartut aallartikkaluartut uniinnartartut annertunerat, isumaqarpugullu uniinnartarnermut tunngatillugu annertuumik Timersornermik ilinniarfimmik imaluunniit Ilinniarneertuunngorniarfimmik pilersitsinikkut annertuumik atuartuujumaartussanut iluaqutaaju- maartoq, tassami ilinniarfissaq tamanit iluaqutaasumik kinguneqarnissaa takorluugaammat. Inuusuttut amerlasuut annertuumik sunngiffimmi sammisassaq amigaatigisarpaat, ilaatigullu atuarfimmik imaluunniit ilinniarnertunngorniarfimmik pilersitsinikkut sunut tamanut aamma atorluarneqarsinnaanera matumani takorluugaalluni soorlu inuunerinnerunissamut peqqinner- unissamullu aqqutissiuusseqataasinnaanerata eqqarsaatigalugu.

2. Timersornermut ilinniarfiup, Ilinniarnertunngorniuffiulluunniit illutassaata isikkussaa, sapinn- gisamik aningaasat atorluarlungit pissarsiasaq annertunerpaaq qulakkeerniarnissaa. Atuarfi- ulertussap illutassaa pineqarpat taava illutaata nunanut allannut sanilliullugu pioreersunik isu- massarsiorsimanissaq minnerunngitsumik periarfissat pitsaasuunissaat sumut qanorlu atorsin- naanerisa eqqarsaatigilluakkanik periarfissiisumillu atorsinnaanissaa siunniussutigissavarput.
3. Periarfissat arlallit misissuinermi qulaajarneqarnissaat, Timersornermut ilinniarfiup imaluun- niit Ilinniarnertuunngorniarfiup sananeqarnissaanut missingersuutit tingoriaannanngorlungit, innuttaasunut atorsinnaanngortineqarnissaat. Nunatsinni innuttaasut tamarmik timersornermik ilinniarfimmik atuinissaat kissaatigaarput, taamaattoq oqaatigissallugu pingaarsoraarput aam- malu ilinniarfik nunanik allamiunik annertuumik misigisassarsiorfittut atorneqarsinnannera aamma periarfissaasariaqartoq, naatsumik oqaatigalugu siunissami innuttaasut assingusumik suliaqartussannut misissuinermi paasisat missingersuutillu atorluarneqarsinnaammata.

Kattusseqatigiit Partiiianiit misissuinissamut siunnersuuteqarnitsinnut makkua aamma peqqutaasutut saqqummiutillaasuakka.

1. Ilulissani ivigaaqqanik arsaaffiliornissamut pilersitsiniarluni pilersaarutit maannamut inger- lanneqarput. Pilersaarutit annertuumik massakkumut ingerlanneqartut naatsumik oqaatigis- sagaanni suliniaqatigiiffik ajunngilluartumik ingerlavoq, ilaatigut tapersersuinerit annertuut nunatta aammalu nunatta avataaniit tuttiuttartut annertummata, massakkut pilersitsiniarluni ingerlatsinermi illersorteqarnerput piviusunngorpoq (Tassa protector) taannalu ateqarpoq Al- lan Simonsen aammalu nunatsinni suliffeqarfiit annertuut tapersiinnissamut nalunaaruteqartar- nerat nuannersuuvoq soorlu Faxekondi pisiffik aqqutigalugu kondimik pisinermi aalajangersi- masumik tapersiisarpoq, nuannerportaaq Qaasuitsup Kommunea pilersaarummut aamma an- nertuumik tapersersuimmat, taamaattumillu neriutitta annersaraat aamma nunatsinni oqartus- sanik Inatsisartunullu ilaasortanit tamanit tapersersorneqarumaartoq.

2. Ilinniartitaanermut aammalu Peqqissutsimut Naalakkersuisut siunissaq ungasinnerusoq eqqarsaatigalugu ataqatigiissaakkamik ilinniartitaanerup iluani aqqissuusseqqinnermut il- apertuutaalluarsinnaanera. Innuttaasut peqqinnerunissaat anguniarlugu suliniutigineqartut eqqarsaatigalugit isumaqarpugut, siunissami peqqissuunissamut Timersornermik ilinniarfim- mik imaluunniit Ilinniarnertuunngorniarfimmik pilersitsinikkut ajornannginnerusumik angu- jartuaarneqarsinnaasoq, minnerunngitsumik aamma massakkut meerartatta atuarfimmik anis- artut eqqarsaatigalugit. Taamaalilluni ilinniaqqinnissamut periarfissat ilaattut an- nertusaaqataasussatullu isumaqarfigigatsigu. Aammalu piffissami qaangiuttumi nuannaaru- tigalugu nunaqqatigut nunani allani Timersornermik atuarfinni atuarsimallutik naammassil- lutik utertartut atorfinnillu nunatsinnut iluaqutaasunut atorfinnartut aamma isumalluutitta il-

agilluinnarmatigit, nunatsinnilu atuarfimmik taamatut ittumik pilersitsinikkut annertuumik inuusuttunut aammalu meeqqat siunissaannik pilerinarsaataasussaasutut isumaqarfigigatsigu.

Kattusseqatigiit Partiianiit naatsorsuutingaarput, misissuinissaq ukiup ataatsip ingerlanerani naammassineqarsinnaassasoq.

Aningaasaqarnikkut allaffissornikkullu siunnersuutip pisortanut sunniutissai.

Siunnersuut pisortanut misissuinissaq kisimi pineqarami, misissuinermi ingerlatsisunut aningaasartuutit atorneqassapput, Kattusseqatigiit Partiianiit takorloorparput aningaasartuutit 500.000-it kr-it 1 mio kr-illu akornanni suliarineqarsinnaasoq aammalu ivingaaqqat atorlungit arsaattarfiliornissamut aaliangeriikkat iluanni aningaasalersorneqarsinnaassasoq. Konto pingaarneq pineqarpoq 80.00.00.

Siunnersuutip innuttaasunut aningaasatigut allaffissornikkullu sunniutissai.

Siunnersuut toqqaannartumik innuttaasunut sunniuteqassanngilaq.

Siunnersuutip aningaasatigut allaffissornikkullu namminersortunut sunniutissai.

Siunnersuut aningaasatingut allaffissornikkut namminersortunullu sunniutissaqanngilaq.